

**NAMIBIA SENIOR SECONDARY CERTIFICATE**

**FIRST LANGUAGE OSHIKWANYAMA HIGHER LEVEL 8304/3**

PAPER 3 Literature

2 hours 30 minutes

Marks 60

2017

Additional Materials: Answer Book

**INSTRUCTIONS AND INFORMATION TO CANDIDATES**

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**.
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

**OMALOMBWELO NOMAUYELELE KOVAHONGWA**

- Nyola omanyamukulo oye mEmbo lOmanyamukulo olo wa pewa.
- Nyola Onomola yOsenda, Onomola yEkonakono nEdina loye kEmbo loye lOmanyamukulo.
- Nyola nopena imbulau ile ilaula.
- Ino longifa okadimifo komeva.
- Nyamukula omapulo **atatu**, **limwe** okudja mEtukulwa la-A l**Outevo**, **likwao** okudja mEtukulwa la-B l**Eeprosa nalikwao** otali di mEtukulwa la-C l**Eedrama**.
- Kotokela esipelo loitya, elongifonawa loileshifo netungo lomatumbulo.
- Omwaalu waitwa owa yandjwa moikondekifombine [ ] konima yepulo keshe ile yoshitukulwa shepulo.

This document consists of **6** printed pages and **2** blank pages.



Republic of Namibia

**MINISTRY OF EDUCATION, ARTS AND CULTURE**

## ETUKULWA A: OUTEVO

Metukulwa omu hoolola mo epulo **limwe** alike.

- 1 Lesha okatevo aka ka kufwa m**Oifala Noikuko** ku **J. Nghishiilenhapo**, ndele to nyamukula omapulo aeshe.

### Omunaipupulu

Nahambo yaKaendelepwanga,  
Naishala yaKandeleshileda,  
Ngee we mu mon' oku na sha,  
Ngee a ende oku n' omulombo.

Nakaende kaMapopo,  
Omhadi yaKamilombo,  
Nokambale ka ty' ounongo,  
Ta kwatele kumw' omaumbo.

Oha lombol' oilombo,  
A kwatw' ominghapo daye,  
A ka hongai' ovanhu,  
Nakaangalale noshilongo.

Okwe ya a nhuk' oitepwilo,  
Taka lombaul' eemhundo,  
Taka hongel' eendjovo,  
A ka tot' oipolopolo.

Aveshe vomoshilongo,  
Okwe va nyonaunin' ombili,  
Nahambo ka y' omulo kokule,  
Ka y' ombuu noshilongo ashishe.

Ka taleni ashike momesho,  
Inamu ka pa nand' omayoo,  
Kaleni kokule nako,  
Kaleni mwe ka angala.

- (a) Yandja omikalo **mbali** da longifwa komutevi, opo e tu holole oupyakadi wokupopya oipupulu mokatevo aka. Shi yelifa. [4]
- (b) Yandja oitwa **ivali** tai holola kutya omutevi okwa hala oku tu honga shike mokatevo aka kombinga youkwatya womunaipupulu. Shi koleka. [4]
- (c) Okatevo aka otake ku pendululile omaliudo elipipo? Yandja oitwa **ivali** nomatomheno. [4]
- (d) Yandja oitwa **ivali** tai ulike kutya omutevi ina hafela oukwatya womunaipupulu mokatevo aka. Shi koleka noitwa **ivali**. [4]
- (e) Omutevi okwe tu etela ngahelipi efiiloshiduto mokatevo aka? Shi koleka noitwa **ivali**. [4]

[20]

ILE

- 2 Lesha okatevo aka ka dja m**Omatevelo 4** ku **A. L. Nghifikua**, ndele to nyamukula epulo la pulwa.

### **Onghalamwenyo hamukundu**

Ino fy' ohoni omulaulu woshipa shoye,  
Owo efimano nomutumbo woye washili,  
Tau holola kutya oovelela,  
OmuAfrika washili kokudalwa.

Ino fy' ohoni eexwiki doye de litonya,  
Eyulu lixupi nomesho oye oshilaule,  
Ei aishe oyo oundombwedi wolela,  
Tau holola ondilo yoye yopaunhu.

Ino tala oluvala, tala onunhu,  
Omulaule nOmutilyane kave lidule,  
Aveshe ove nondilo imwe yopanhu,  
Nande koshipa neexwiki va yooloka.

Ino dina nande omunhu molwoluvala,  
Momayakulo meembelewa nomeepoosha,  
Ovalaule novatilyane aveshe kumwe,  
Eyakulo li fike pamwe tava pumbwa.

Ovakulunhu pakudalwa nopakuyelwa,  
Voludi keshe u fimaneke shi fike pamwe,  
Omulaule nOmutilyane kave lidule,  
Nokoshipala shOmushiti aveshe vamwe.

Eholoko loye komunhu keshe lungamena,  
Li yandje shili oshihopaenenwa tashi tungu,  
Efimbo eli okwa pumbiwa onghalafano,  
Ya hokiwa kovanhu aveshe vomoshilongo.

Mohole yaye, hamoutondwe Kalunga a shita,  
Oiwana ihapu mounyuni ya yooloka,  
Meyooloko lomaluvala Kalunga a hala,  
Ewapalo meshito laye li monike.

Oluvala noludi itali dulu,  
Okukelela tu kalafane ngovanhu vamwe,  
Ovalaule novatilyane mongudu imwe,  
Eedi domufita umwe moshiunda shimwe.

Outondwe neshekafano kali na onhele,  
Momitima di na oukriste nohole yashili,  
Onghalafano yovakriste yokedu eli,  
Nai kale oshihopaenenwa shomeulu.

Kalunga umwe aeke twa itavela,  
Ohonde imwe aike twa kulilifwa,  
Meulu limwe alike twa teeelwa,  
Omwenyo umwe auke hatu ka pewa.

*(A.L. Nghifikua)*

Hokolola kutya omutevi okwa longifa ngahelipi elaka nomutono, opo a yelifile  
ovaleshi etumwalaka laye mokatevo aka, **Onghalamwenyo hamukundu.**

Shi ninga noitya **350 – 500.**

**[20]**

**ETUKULWA B: EEPROSA**

Metukulwa omu hoolola mo epulo **limwe** alike tali di m**Olupafu la twa eisho** ku **P. N. Hamutenya** ile mu**Wanashipolo a ya nomwenyo mofuka** ku **T. N. Shakujungua**.

**3 Olupafu la twa eisho** ku **P. N. Hamutenya**

Hokolola etumwalaka olo omushangi a nunina ovaleshi okupitila momunyandi Nadula mehokololo **Olupafu la twa eisho**.

Shi ninga noitya **350 – 500**.

[20]

**ILE****4 Wanashipolo a ya nomwenyo mofuka** ku **T. N. Shakujungua**

Hokolola nghene omushangi a longifa elaka, opo e tu etele pouyelele oukwatya waKalambi, moprosa **Wanashipolo a ya nomwenyo mofuka**.

Shi ninga noitya **350 – 500**.

[20]

**ETUKULWA C: EEDRAMA**

Metukulwa omu hoolola mo epulo **limwe** alike tali di m**Omapumhumu taa yolele oulipamwe** ku **V. Munyika** ile mu**Mushakati waNelao** ku **E. T. Ndadi**.

**5 Omapumhumu taa yolele oulipamwe** ku **V. Munyika**

Omushangi okwa longifa omikalo dilipipo, opo a ete mo efiiloshiduto moshinyandwa eshi **Omapumhumu taa yolele oulipamwe**? Tofa mo oiningwanima **ivali** aike ndele to i hokolola.

Shi ninga noitya **350 – 500**.

[20]

**ILE****6 Mushakati waNelao** ku **E. T. Ndadi**

Omushangi okwa longifa ngahelipi elaka, opo e tu etele pouyelele ekwatafano olo la li pokati ka**Malakia** na**Victor** a yelife eshi a hala okuhonga ovaleshi moshinyandwa eshi, **Mushakati waNelao**?

Shi ninga noitya **350 – 500**.

[20]

**BLANK PAGE**

**BLANK PAGE**